

歷代職官表

冊九

卷之四

四

欽定歷代職官表卷五十九

河道各官表

總督河道	三代秦
	漢
都水使者	後漢
河隄	三國
魏	晉
都水使者	宋
梁陳	北齊
都水使者	北魏
都水使者	北齊
都水使者	後周
司水	隋
中水	唐
大	五季
夫	宋
監都水	遼
監都水	金
監都水	元
監都水	明
置大兼轉司修提司河提監監都	
制都運河舉渠舉外水	
使河總監監都	
防治史都河總	
御道督	

史典目吏檢巡簿主丞縣縣知判州同州判通知同河管

長都
丞水

員河長都
吏隄丞水

員河參都
吏隄軍水

參都魏
軍水

謁河參都
者隄軍水

謁河參都
者隄軍水

謁河參都
者隄軍水

參都
事水

令河謁河參都
丞渠者隄軍水

軍士州謁河令河
參司者隄丞渠

隄兼長判河永兼判轉
使河吏官隄事都官運

防勾佐縣散官巡諸
事河管令官巡河壩

防兼縣
官河尹

典吏主縣州通同知知
史目簿丞判判知縣州

官

牖

渠長
斗門

監掃
官監
堰官

各閘
提領
官監
官閘

珍做宋版印

河標副將游擊都司守備管塘務千總把總

魏都治
河監

彈壓
千河
戶工

河營參將韋蕩營參將游擊守備千總把總

中將治灘
郎修河

沿河指揮使
收薪使
柴採臣

管河
指揮

河道各官

國朝官制

河道總督江南一人

駐淮安清江浦

山東河南一人

駐濟寧州並正二品

直隸一人

以總督兼管

江南河道總督掌黃淮會流入海洪澤湖汕黃濟運南北運河洩水行漕及瓜州江工支河湖港疏濬隄防之事山東河南河道總督掌黃河南下汶水分流運河蓄洩及支河湖港疏濬隄防之事順治初止設總河一人綜理黃運兩河事務駐劄濟寧州康熙十六年以後江南河工緊要移駐清江浦雍正二年以河南武陟中牟等縣隄工緊要設副總河一人駐劄濟寧州總河兼理南北兩河副總河專理北河七年改總河爲總督江南河道副總河爲總督河南山東河道分管南北兩河初南北兩總河並兼兵部尙書右都御史銜乾隆四十八年奉

旨以總河無地方之責況又有由道員陞署及簡擢初任之員嗣後但給與兵部侍郎右副都御史銜著爲令直隸河道總督掌漳衛入運歸海永定河

疏濬隄防之事雍正八年置以直隸總督兼管

河庫道一人河道十一人

河庫道駐劄清江浦掌出納河帑而歲要其成于總督江南淮徐河道駐
徐州淮揚河道駐淮安山東運河道駐濟寧直隸永定河道駐固安皆掌
專理河務山東兗沂曹兼管黃河道駐兗州河南開歸陳道駐開封彰衛
懷道駐武陟直隸通永河道駐通州天津河道駐天津清河道駐保定大
廣順河道駐大名皆掌分巡所屬而兼理河務其山東運河道河南二道
直隸五道又兼掌河帑之出納

管河同知二十七人通判二十五人州同十人州判二十人縣丞七十三人主
簿六十九人巡檢二十五人吏目二人典史四人兼管河務知縣十八人

江南淮徐河道轄銅沛邳睢宿虹桃源同知四人豐蕭碭宿遷運河通判

二人二十四汛州同州判各一人縣丞五人巡檢七人

內大灤運河二汛各巡檢二人主

簿十有二人淮揚河道轄山清裏河山清外河山安海防江防同知五人

高堰山盱桃源安清中河揚河揚糧水利通判六人三十八汛州同州判各三人縣丞十有四人主簿十人巡檢八人又西溪司安豐司管河巡檢各一人○山東運河道轄運河鄒沂海贛同知二人泇河捕河上河下河泉河通判五人二十八汛州同州判各三人縣丞九人內一丞管二汛主簿十有二人分理泉河州同二人府經歷三人縣丞六人巡檢一人兗沂曹道轄曹單黃河同知一人四汛縣丞一人主簿二人巡檢一人○河南開歸道轄上南河下南河同知二人儀考商虞通判二人十二汛州判一人縣丞七人主簿四人彰衛懷道轄懷慶黃河開封上北河下北河同知三人彰德河務衛輝鹽河懷慶河務曹儀河務通判四人二十汛縣丞八人主簿十人巡檢二人又林縣管河典史一人○直隸永定河道轄石景山永定河南岸北岸同知三人三角淀通判一人十五汛州判三人縣丞主簿各五人吏目二人通永河道轄北運河務關同知一人北運河楊村蘆運糧河通判二人十三汛州同一人州判四人縣丞三人主簿五人天津河道

轄南運河津軍河間河捕同知二人泊河子牙河通判二人西汛清河故
城吳橋管河縣丞各一人東汛景州滄州管河州判各一人天津管河縣
丞一人東光交河南皮青靜海獻管河主簿各一人青縣管河巡檢一人
清河道轄保定河捕同知一人正定糧馬河通判一人分汛冀州祁州安
州管河州判各一人武強隆平寧晉兼管河務知縣各一人清苑蠡高陽
新安雄安肅新城管河縣丞各一人保定任唐管河主簿各一人滿完方
順橋管河巡檢各一人深澤管河典史一人大廣順河道轄廣大漳廣平
河務漳河同知三人分汛永年邢臺沙河南河平鄉廣宗鉅鹿唐山內邱
任元城大名魏長垣東明兼管河務知縣十有五人元城大名魏長垣管
河縣丞各一人永年成安管河典史各一人凡河務自管河同知以下爲
專司知縣爲兼職各掌汛河隄堰壩插歲修搶修及挑濬淤淺導引泉流
并江防海防各工程同知通判總理督率州同州判以下分汛防守

掌司牐之啓閉以時蓄洩江南十四牐牐官十有一人

內一官管四牐

山東四十

八牐牐官三十一人

內一官管一牐者九一官管三牐者四

直隸一人

江南河標副將二人遊擊一人都司三人守備二人管理塘務一人千總八人把總十有六人管理塘務二人河東河標副將一人遊擊二人都司一人守備二人管理塘務一人千總六人把總十有二人

掌催護工程江南河標中軍副將一人其屬中軍都司一人管理塘務一人左右哨千總二人把總五人河標左營副將一人其屬中軍都司一人千總二人把總三人右營守備一人千總一人把總二人蕭營都司一人把總二人河標右營遊擊一人其屬中軍守備一人左右哨千總三人把總四人河東河標中軍副將一人其屬都司一人管理塘務一人千總二人把總四人河標左營遊擊一人其屬守備一人千總二人把總四人河標右營遊擊一人其屬守備一人千總二人把總四人

江南河營參將一人遊擊二人守備二十人千總十有七人把總三十人葦蕩

營參將一人守備二人千總二人把總二人山東黃運河營守備一人千總五人把總二人東昌德州二衛管河守備各一人德州運河南北兩岸管河千總各一人河南豫河懷河二營守備各一人協辦守備各一人千總四人把總三人直隸永定河河營守備一人千總九人把總十有五人

凡河營參將以下皆掌河工調遣及守汛防險之事葦蕩營參將以下掌採葦蘆以供修築隄埽之用江南河營參將轄淮徐營遊擊一人九營守備九人二十一汛千總八人把總十有三人淮揚營遊擊一人十一營守備十有一人二十六汛千總九人把總十有七人葦蕩營參將轄左右營守備千總把總各二人山東黃運河營守備轄七汛千總五人把總二人河南豫河懷河二營守備轄七汛千總四人把總三人直隸永定河營守備轄南北岸淀河三汛千總把總各一人石景山汛千總一人北運河汛千總把總各三人南運河汛千總一人把總八人東淀埽船千總一人西淀埽船把總一人

歷代建置

謹案河自周定王時徙流之後至漢復決屢遣使者塞治嗣後河患罕見未嘗特設官以治之至五代及宋潰溢時聞爲患始大於是宋有外都水使者外都水丞金有都水分監元有行都水監河防使等官明則河道總督與漕臣屢爲分合此卽今總河之沿革特宋金元河患多在兗豫故置監于澶衛滑鄭等州明則全河大勢南趨又會通河旣成與大河實相表裏當事者惟以利漕護陵爲急故總河之官置于濟寧所治多在淮徐此又其情形之小異者綜其因革之略漢以後所置都水河隄等官皆在京師所司者乃天下水利凡川澤津梁渠堰陂池之屬無不隸焉並非專事河防今其職已併入工部都水司與河道總督之職較殊但自宋以前防河並無專官而宋金元之都水外監都水行監實今日總河之職掌自漢以來之都水使者都水監又宋金元都水外監都水行監之權輿規制雖屬不同而源流未可概略今故仍互見于

此表焉

三代

〔周禮考工記〕匠人爲溝洫凡溝必因水勢防必因地理善溝者水漱之
善防者水淫之

謹案通典敘都水之官始于舜之命益作虞周禮之林衡川衡然虞衡
掌山澤之屬禁而貢其物屬于地官非河渠之職而舜時禹以司空平
水土周禮冬官雖亡而考工記匠人掌爲宮室溝洫實冬官之屬是河
渠之事實匠人之所兼管也

秦

〔杜佑通典〕秦漢有都水長丞主陂池灌溉保守河渠

謹案秦漢之都水長丞東漢時改屬郡國是其官設于郡國若今河工
同知以下等官也

漢

〔漢書溝洫志〕河決于館陶及東郡金隄泛濫兗豫河隄使者王延世使

塞

師古曰命其爲使而塞河也

〔漢書平當列傳〕當以經明禹貢使行河爲騎都尉領河隄

〔關駟十三州志〕成帝時以校尉王延世爲河隄謁者秩千石或各其官

爲護都水使者

〔漢書百官公卿表〕太常屬官有均官都水兩長丞大司農屬官有郡國

諸倉農監都水六十五官長丞少府屬官有胞人都水均官三長丞水衡

都尉屬官有衡官水司空都水農倉又甘泉上林都水七官長丞京兆尹

屬官有都水鐵官兩長丞左馮翊屬官有左都水鐵官雲壘長安四市四

長丞右扶風屬官有都水鐵官廩廚四長丞

〔通典〕武帝以都水官多乃置左右使者以領之

劉向爲左都水使者是也又續漢百官志曰劉

向領三輔都水

謹案漢百官表太常大司農少府水衡都尉三輔皆有都水長丞蓋太